

Ozvaničen nastavak radova na Sportskoj dvorani na Urijama

04.10.2018 - 16:00

Gradonačelnik Prijedora Milenko Đaković obišao je objekat nove Sportske dvorane na Urijama gdje je danas ozvaničen početak termoizolacionih i radova na izgradnji vanjske fasade i kuglane.



Gradonačelnik je početkom ovog mjeseca potpisao dva ugovora o nastavku izgradnje ove sportske dvorane čija je ukupna vrijednost 1.568.617 KM.

"Ugovor je potpisana sa preduzećem `Maksmara` iz Banja Luke koji će izvoditi rade na ventiliranoj fasadi, a ugovorena cijena poslova je 877 746 KM, dok će preduzeće `Tekton` izvoditi rade na kuglani u okviru ove dvorane i vrijednost ovog ugovora je 680.871 KM", izjavio je Đaković.

On je dodao da su oba izvođača izuzetno cijenjena u gradu Prijedoru i da vjeruje da će rade biti izvedeni u skladu sa potpisanim ugovorima. Rok za izvođenje ova dva posla na Dvorani "Urije" je 120 dana.

"Grad Prijedor nastavlja dalje poslove tako da će uskoro biti raspisan tender i za ostale dijelove ove dvorane", najavio je Đaković.

On je naglasio da je Grad Prijedor u dvoranu na Urijama do sada investirao 3,65 miliona maraka vlastitih sredstava, a da nastavak radova na ovom sportskom objektu treba zahvaliti i donaciji Vlade RS u iznosu od 4 miliona maraka.



